

息烽縣志
十三

地360.113
42
部2=13



息烽縣志卷三十三

獻徵志 公文 飭 書 狀 頌 贊 箴

說



公文

憲政編查館諮貴州巡撫文

為咨行事本館會同資政院具奏擬呈諮議局章程附加按語及議員選舉章程一摺光緒卅四年六月廿四日內閣奉上諭朕欽奉慈禧端佑康頤昭豫莊誠壽恭欽獻崇熙皇太后懿旨憲政編查館資政院王大臣奕劻溥倫等會奏擬呈各省諮議局及議員選舉各章程一摺諮議局為採取輿論之所並為資政院預儲議員之階議院基礎即肇於此事體

息烽縣志

卷之三十三

獻徵志 公文

一

重大亟宜詳慎釐定茲據該王大臣擬呈各項章程詳加披閱尚屬周妥均照所議辦理即着各督撫迅速舉辦實力奉行自奉到之日起限一年內一律辦齊朝廷軫念民依將來使國民與聞政事以示大公因先於各省設諮議局以資歷練凡我士庶均當共體時艱同摠忠愛於本省地方應興應革之利弊切實指陳於國民應盡之義務應循之秩序竭誠踐守勿挾私心以妨公益勿逞意氣以紊成規勿見事太易而議論稍涉囂張勿權限不明而定法致滋侵越總期民情不虞壅蔽國憲咸知遵循各該督撫等亦當本集思廣益之懷行好惡同民之政虛衷審察惟善是從庶幾上下一心漸臻上理至於選舉議員尤宜督率各該地方有司認真監督

精擇慎取斷不准心術不正行止有虧之人託足其內致妨治安該王大臣所陳要義三端甚為中肯如宣布開設議院年限一節自是立憲國必有之義但各國憲政本難強同要不外乎行政之權在官吏建言之權在議員而大經大法上以之執行罔越下以之遵奉弗違中國立憲政體前已降旨宣示必須切實預備慎始圖終方不至託空言而鮮實效着憲政編查館資政院王大臣督同館院諸習法政人員甄米列邦之良規折衷本國之成憲迅將君主憲法大綱暨議院選舉各法擇要編輯並將議院未開以前逐年應行籌備各事分期擬議臚列具奏呈覽俟朝廷親裁後當即將開設議院年限欽定宣布以立臣工進行之準則而副吾民望治之

息烽縣志

卷之三十三

獻徵志 公文

二

殷懷並使天下臣民曉然於朝廷因時制宜變法圖強之至意欽此欽遵查諮議局關係重要選舉事宜尤屬創辦此次所訂章程頭緒繁多條文細密各省如有疑義應隨時咨詢本館以便詳為解釋俾免歧誤其選舉票投票匭及當選執照等件亦經擬定格式期歸一律現在諮議局尚未成立各省應在省會地方先行設立該局籌辦處由督撫欽遵諭旨選派公正明達官紳創辦其事所有各省現設之諮議局應一律改稱諮議局籌辦處俾免混淆俟一年內籌辦就緒諮議局成立後即按照此次奏定章程辦理將籌辦處概行裁撤其籌辦處詳細章程由各省自行酌定仍咨送本館備查至諮議局開辦後與地方官吏來往公文體制督撫用劄行

司道以下用照會諮議局均用呈文並應由本省督撫刊給該局木質關防以資鈐用相應恭錄諭旨刷印原奏清單並選舉票式檢票匭式初選當選及議員執照式共四紙咨行貴州巡撫欽遵查照辦理可也須至咨者

巡按使呈大總統具報本省建設息烽普定兩縣乞鑒

核訓示施行文

為呈報本省息烽普定兩縣設置情形仰祈

鑒核事竊查前清時貴州貴陽府曾設有同城之貴筑縣安順府曾設有同城之普定縣反正後歸併府治嗣遵令政府廳州等名為縣當呈請將貴筑縣移設札佐普定縣移設定南奉准在案當經迭次派員踏勘設治地點據報查得札佐

息烽縣志

卷之三十三 獻徵志 公文

三

地方附近省垣通邇修文縣治北距遵義縣寥遠且與貴陽修文紫江等縣並峙一隅距省治迤北一帶勢難遙治於形勢利便之中擇地位適中之處誠莫若移治息烽較為得宜息烽在烏江南岸七十里南距省垣一百三十里北距遵義縣城一百八十里西距黔西縣城二百餘里南距修文縣城九十里東距紫江縣城七十里近為遵義入省之孔道遠為四川入黔之咽喉控扼要塞堪以設置縣治所有貴筑一缺自應移設該地以資控馭惟該地距貴筑舊治已遠若仍沿用舊名殊覺無據查息烽本貴州衛六屯地明末改設息烽千戶管理所其南四十里尚有息烽界碑識撥以因地定名之義應即定名息烽至普定一缺原擬移設定南該定南地

方在安順西北五十里當水城威寧等縣至安順縣入省之
衝戶口繁盛地勢開展前清時曾設把總駐防城垣衙署尚
存地址以之移設縣治尚屬相宜自應仍將普定縣缺移治
該處除將該兩縣缺遴員代理並飭會同鄰縣將劃撥區域
丁糧妥為勘劃一面繪具圖說轉呈立案外所有設立兩縣
治並將舊貴筑縣改為息烽各情形是否有當理合具文呈
乞鑒核訓示施行再該兩縣設置稍遲實因委員踏勘反復
詳審致稽呈報時日又新公文程式黔省尚未奉到仍暫用
舊式合併聲明謹呈

民國四年七月貴陽縣知事王其光修文縣知事萬賢
臣息烽縣知事魏光榮會詳巡按使黔中道擬撥修

息烽縣志

卷之三十三

獻徵志 公文

四

息界務文

為令勘會得詳覆事案奉黔中道飭委會勘修文息烽界務
等因奉此知事其光遵即定期分咨知事賢臣知事光榮於
七月十號馳赴札佐會商即於次日由狗場以北入手勘起
乃知事光榮墜馬受傷回署調養知事其光以事關要政未
便延緩只得會商知事賢臣前進履勘往返決自忠誠考察
周咨轉訪而得其要夫修文息烽原本一縣昔則合治今乃
分離其兩縣分疆之界綫要必本於形勢之自然又必鄉里
之遠近距城適中而治理始便於撫馭征收之糧石數目相
等而縣治始足以成立知事其光竊持此義以計畫查其山
脈審其形勢度其道里計其田賦以為兩縣之界綫均應自

周家堰起點由周家堰之東迤邐而南經劉家溝落水洞齊家山大洪寨兩弄壩高安所老貓場南冲橋規槽坡羊馬田安馬莊狼雞嶺而止為息烽之界由周家堰之西迤邐而南經九嶺崗蕭家壩白岩廠子姜山磨泥孟冲毛家井經羊馬田之南及扯泥堡馬蹄關為止為修文之界而沙鍋寨同知衙白馬洞等處原屬紫江轄地前勘時劃歸息烽者除沙鍋寨一處實係甌脫應歸修文外其白馬洞同知衙等處應仍撥還紫江以清界限而免又復插花惟息烽既劃自周家堰以至狼雞嶺則修文原有地方已去其半而轄境編小查貴陽之羅家寨王官周陳盛官老鴉堡等處係插花於修文者自應撥出其貴陽屬地就近於修文者如札佐清水街桃花

息烽縣志

卷之三十三

獻徵志

公文

五

源獨山局葛馬泗溪格五格六長田等處亦應劃撥修文庶以補其不足而成一縣凡所依據之理由繪具圖說以備考綜其大要就地與之形勢言之息烽全境東南以狼雞嶺為界南以羊馬田為界西以齊家山嶺為界西北以周家堰為界北以烏江河為界修文全境西以索橋為界東以長田之山為界北以周家堰河為界南以朱官坡石板哨之山為界東以羊馬田馬蹄關為界或就山脈為依據或據河流為分疆形勢出於自然經界易為指定只破崇義里之三甲四甲信順里之四甲而別無紛更也就道里之距離言之則息烽東至上洋水四十里西至高安所四十五里南至羊馬田四十里北至烏江河七十里東南至狼雞嶺二十五里東北至

大塘口八十里西北至周家堰九十里西南至南冲橋五十
五里修文則東至長田六十里西至索橋四十里南至朱官
坡三十里西北至周家堰九十五里東北至羊馬田四十三
里東南至石板哨三十五里西南至蠻子河四十里邊鄙皆
距城不遠撫馭無鞭長之虞而治理便易也就田賦言之息
烽則應收糧二千七百餘石修文得貴陽撥歸之老鴉堡周
陳盛官等處約一千四百餘石合修文之原額計之計徵糧
三千六百餘石徵收之糧賦不為不多地方之面積自亦不
少皆足以成縣治矣此正當辦法也如嫌其破甲則惟有劃
分里甲息烽應劃仁和里全里崇義里四五兩甲信順里五
六七八等甲共有糧二千八百餘石修文應撥得至孝里全

息烽縣志

卷之三十三

獻徵志

公文飭

六

里崇義里一二三六七八等甲信順里一二三四等甲加以
貴陽所撥之地共有糧三千五百餘石如此劃分似亦簡易
便行但將來兩屬仍應劃撥插花耳知事等當即商定意見
相同所有奉飭會勘修息界務情形理合擬具辦法繪圖貼
說會銜詳請

鈞使察核批示飭遵

飭

貴州巡按使署飭遵令成立息烽縣治

為飭遵事承准

內務部咨開前准政事堂鈔貴州巡按使呈報息烽普定兩
縣設置情形原呈一件奉大總統批令交部核覆等因到部

查貴筑普定兩縣分別移治札佐定南各地方於本年二月奉准有案茲請將貴筑移治息烽暨普定仍治定南並將貴筑改名息烽各節詳加查核允為因地制宜起見當即呈覆大總統鑒核八月十三日奉批令准如所擬辦理即由該部轉行遵照並交法制局查照此批等因奉此相應鈔錄原呈咨行貴巡按使遵照辦理所有兩縣區域應即迅速劃清分別繪圖報部以憑稽考此外建築城垣修治衙署各工程亦希按照舊章咨部查核可也此咨等由承准此合行鈔錄原呈飭仰該知事遵照辦理切切此飭

書

息烽縣志

卷之三十三

獻徵志

飭書

七

答毛憲副書

王守仁

昨承遣人喻以禍福利害且令勉赴大府請謝此非道誼深情決不至此感激之至言無所容但差人至龍場陵侮此自差人挾勢擅威非大府使之也龍場諸夷與之爭鬪此自諸夷憤悞不平亦非某使之也然則大府固未嘗辱某某亦未嘗傲大府何所得罪而遽請謝乎跪拜之禮亦小官常分不足以為辱然亦不當無故而行之不當行而行與當行而不行其為取辱一也廢逐小臣所守以待死者忠信禮義而已又棄此而不守禍莫大焉凡禍福利害之說某亦嘗講之君子以忠信為利禮義為福苟忠信禮義之不存雖祿之萬鍾爵以王侯之貴君子猶謂之禍與害如其忠信禮義之所在

雖剖心碎首君子利而行之自以為福也況於流離竄逐之
微乎某之居此蓋瘴癘蠱毒之與處魑魅魍魎之與遊日有
三死焉然而居之泰然未嘗以動其中者誠知生死之有命
不以一朝之患而忘其終身之憂也大府苟欲加害而在我
誠有以取之則不可謂無憾使吾無有以取之而橫罹焉則
亦瘴癘而已爾蠱毒而已爾魑魅魍魎而已爾吾豈以是而
動吾心哉執事之諭雖有所不敢承然因是而益知所以自
勵不敢苟有所墮墮則某也受教多矣敢不頓首以謝

與安宣慰書

王守仁

某得罪朝廷而來惟竄伏陰厓幽谷之中以禦魑魎則其所
宜故雖夙聞使君之高誼經旬月而不敢見若甚簡伉者然

息烽縣志

卷之三十三

獻徵志

書

八

省愆內訟痛自削責不敢比數於冠裳則亦逐臣之禮也使
君不以為過使廩人餽粟庖人餽肉圉人代薪水之勞亦寧
不貴使君之義而諒其為情乎自惟罪人何可以辱守土之
大夫懼不敢當輒以禮辭使君復不以為罪昨者又重之以
金帛副之以鞍馬禮益隆情益至某益用震悚是重使君之
辱而甚逐臣之罪也愈有所不敢當矣使者堅不可却求其
說而不得無已其周之乎周之亦可受也敬受米二石柴炭
雞鵝悉受如來數其諸金帛鞍馬使君所以交於鄉士大夫
者施之逐臣殊駭觀聽敢固以辭伏惟使君處人以禮恕人
以情不至再辱則可矣

再安宣慰書

王守仁

減驛事非罪人所敢與聞承使君厚愛因使者至閒問及之不謂其遂達諸左右也悚息悚息然已承見詢則又不可默凡朝廷制度定自祖宗後世守之不可以擅改在朝廷且謂之變亂況諸侯乎縱朝廷不見罪有司者將執法以繩之使君必且無益縱幸免於一時或五六年或八九年雖遠至二三十年矣當事者猶得持典章而議其後若是則使君何利焉使君之先自漢唐以來千幾百年土地人民未之或改所以長久若此者以能世守天子禮法竭忠盡力不敢分寸有所違越故天子亦不得踰禮法無故而加諸忠良之臣不然使君之土地人民富且盛矣朝廷悉取而郡縣之其誰以為不可夫驛可減也亦可增也驛可改也宣慰司亦可革也由

息烽縣志

卷之三十三 獻徵志 書

此言之殆甚有害使君其未之思耶所云奏功陞職事意亦如此夫剗除寇盜以撫綏平良亦守土之常職今縷舉以要賞則朝廷平日之恩寵祿位顧將欲以何為使君為參政亦已非設官之舊今又干進不已是無底極也衆必不堪夫宣慰守土之官故得以世有其土地人民若參政則流官矣東西南北惟天子所使朝廷下方尺之檄委使君以一職或闡或蜀其敢弗行乎則方命之誅不旋踵而至捧檄從事千百年之土地人民非復使君有矣由此言之雖今日之參政使君將恐辭去之不速其又可再乎凡此以利害言揆之於義反之於心使君必自有不安者夫拂心違義而行衆所不與鬼神所不嘉也承問及不敢不以正對幸亮察

再安宣慰書

王守仁

阿賈阿禮等畔宋氏為地方患傳者謂使君使之此雖或出於妬婦之口然阿賈等自言使君嘗錫之以疆刀遺之以弓弩雖無其心不幸乃有其迹矣始三堂兩司得是說即欲聞之於朝既而以使君平日忠實之故未必有是且信且疑姑令使君討賊苟遂出軍勦撲則傳聞皆妄何可以濫及忠良其或坐觀逗遛徐議可否亦未為晚故且隱忍其議所以待使君者甚厚既而文移三至使君始出眾論紛紛疑者將信喧騰之際適會左右來獻阿麻之首偏師出解洪邊之圍羣公又復徐徐今又三月餘矣使君稱疾歸卧諸軍以次潛回其間分屯寨堡者不聞擒斬以宣國威惟增剽掠以重民怨

息烽縣志

卷之三十三

獻徵志

書

十

眾情愈益不平而使君之民罔所知識方揚言於人謂宋氏之難常使宋氏自平安氏何與而反為之役我安氏連地千里擁眾四十八萬深坑絕壑飛鳥不能越猿猴不能攀縱遂高坐不為宋氏出一卒人亦莫如我何斯言已稍稍傳播不知三堂兩司已嘗聞之否使君誠久卧不出安氏之禍必自斯言始矣使君與宋氏同守土而使君為之長地方變亂皆守土者之罪使君能獨委之宋氏乎夫連地千里孰與中土之一大郡擁眾四十八萬孰與中土之一都司深坑絕壑安氏有之然如安氏者環四面而居以百數也今播州有楊愛凱里有楊保靖州有彭世麒等諸人斯言苟聞於朝朝廷下片紙於楊愛諸人使各自為戰共分安氏之所有蓋朝令而

夕無安氏矣深坑絕壘何所用其險使君可無寒心乎且安氏之職四十八支更迭而為今使君獨傳者三世而羣支莫敢爭以朝廷之命也苟有可乘之釁孰不欲起而代之乎然則揚此言於外以速安氏之禍者殆漁人之計蕭牆之憂未可測也使君宜速出軍平定反側破眾讒之口息多端之議弭方輿之變絕難測之禍補既往之愆邀將來之福某非為人作說客者使君幸熟思之

狀

請種椽育蠶狀

宋如林

查黔省山多田少土瘠民貧生齒日繁除遵義一府農蠶並行生計較裕其餘各郡耕種而外別無利生之業惟黎平一

息烽縣志

卷之三十三

獻徵志

書狀

十一

郡漆與茶亦間有之亦不過數邑惟遵義之紬廣行他省詢其由來皆云從前亦無是繭自乾隆中郡守陳君係山東歷城人見此地有青桐樹即山東之榭櫟樹其葉可飼山蠶惜民間徒供薪樵之用乃捐俸遣人至山東買取繭種雇覓蠶師廣為教導期年有成至今利賴蠶子甫出置之於樹即能自食其葉及至成蠶即能依枝作繭取繭絲俱不費力惟絲雖不能織為綾緞僅可織紬與山東繭紬相同現在遵義繭紬早已興販他省可見其利甚普惟是創始之年收買種子及收買蠶繭令民遠携資本收買樹育亦勢有所不能茲公同商議由藩司籌撥經費詳請給發委員貴赴遵義定番一帶先行收買種籽散之各府廳州縣令該管衙門就近分

給居民不許假書役之手以免滋擾並諭各處教諭訓導官
廣為勸諭於不堪播種五穀之地及時種植二三年後稼已
成樹即行收買蠶繭照依散給椽杆之法辦理民不出財而
實受其利似與民生稍有裨益是否有當伏候查核批示遵
行

頌

嘉瓜頌

王訓

明受天命奄有萬方貞元會合君明臣良維皇繼統景運彌
昌至和協通發為嘉祥南國之臺園有瓜瓞綿綿其蔓澤澤
其葉和氣長養瑞氣凝結兩實並蒂六本同列含英吐芳蘊
秀流香金膚玉質雪水冰釀形圓而直色正而黃臺臣稽首

息烽縣志

卷之三十三

獻徵志

頌

十三

獻於明堂曰此嘉瓜我朝之瑞肇自高皇龍興草昧適當其
時風雲慶會今我聖君德侔功配仁風化雨洽於邇遐天人
交感得此休嘉再產斯瑞視昔有加實由天眷壽我國家邛
治之祥太平之效天子萬年永綏億兆小臣頌歌以繼舞蹈

牧牛頌

語嵩

撥草尋牛

一帶溪山煙水迷攀藤撥草步遲遲分明牛在雲深處尋到
雲深又幾溪

驀然見跡

無限春山覓不窮披蓑頂笠走西東驀然尋到無方地踏破
煙雲始見踪

信步見牛

山自青兮水自悠一山尋過一山頭
童兒尋到無尋處拍手呵呵始見牛

得牛貫鼻

幾回尋到雲深處牛在溪山芳草邊
舉目分明全體現鼻頭始貫索來牽

牧護調馴

出谷牛兒入衆羣時時牧護絕功勳
等閒不犯人苗稼水草須當日日勤

騎牛歸家

一聲短笛落梅花牛背童兒得意賒
曳轉鼻頭忘水草揚鞭

息烽縣志

卷之三十三

獻徵志

頌贊

十三

步步直歸家

忘牛存人

幾經風雨幾經秋祇見童兒不見牛
片片落花隨水去青山猶帶白雲浮

人牛雙忘

人牛兩下俱雙忘風暖雲和水自長
大地渾然無寸土春深鳥語百花香

贊

天馬贊

宋 濂

西南夷自昔出良馬而產於羅鬼國者尤良
或云羅鬼疑即古之鬼方其地有養龍坑在兩山中
泓渟翕深開闔靈氣而

蛟龍竇藏其下當春日始和物情酣鬯土人立柳坑畔擇牝馬之貞者繫之已而雲霧晦冥咫尺不能辨色類有物蜿蜒上與馬接蓋龍云逮天色開霽視馬傍之沙有龍跡者則與龍遇謹其芻艾而節宣之暨產必獲龍駒馬粵若洪武四年六月壬寅夏國長明昇以全蜀降獻良馬凡十而其一色正白乃得之於坑者身長十有一尺首高九尺尾之高比首而殺其二尺有肉隱起項下約厚五分廣三寸餘貫膺絡腹至尾闈而止精彩明晃振鬣一鳴萬馬為之辟易羈勒不可近近輒作人立而吼上謂天既生此英物必有神以司之親撰祝策詔有司以牲牢祀於馬祖然後勅典牧副使臣高敬囊沙四百勛壓之人跨囊上使其遊行苑中久之性漸柔馴適

息烽縣志

卷之三十三

獻徵志

贊

十四

八月癸酉上將行夕月禮於清涼山壇上於是乘之而出如躡雲而馳一塵弗驚皇情悅豫賜其名為飛越峯復命御用監直長臣馬晉臣繪其真形藏焉臣濂考諸載籍漢之元鼎中有神馬出渥洼水中馬之生於水者尚矣養龍之說雖相傳於土人要當為不誣也肆惟皇上以大德而位大寶日之所出日之所沒無不梯山航海獻贄奉琛邇者獨角之犀來自九真食火之雞貢於三佛齊之境其他詭形譎狀籍籍紛紛且不一而足而况此水產之龍馬乎周書有云不寶異物則遠人格所寶惟賢則邇人安皇上宵衣旰食日懷保於小民巖穴之士蒐羅殆盡將圖治安如唐虞時其遐荒殊裔珍毓奇產未嘗有心求之所以榮光休氣洋溢中國仁聲義聞

充洽八表而龍媒之異自致於天閑十二之中揆之於書前
聖後聖蓋同一軌轍也其視貳師之遣贖武窮兵以索諸大
宛者果為何如哉臣濂以文字為職業際茲盛美不敢默而
無言謹述贊辭一首以貽諸後世贊曰天駟焚蛟龍升靈淵澄
神馬生祥飈瑞靄晝杳冥太一翕聚通精靈龍鬣盈鳧臆輕
竹披耳鏡懸晴花雪捲毛光照夜汗溝有血霞流頰振鬣鳴
萬馬驚閃流電逐飛星九霄彷彿從龍行但聞瀟瀟風雨聲
山川平八極寧真龍媒獻龍廷出入天門駕龍輶太霞五彩
滿瑤京皇風清皇道貞皇威明茫茫堪輿內孰敢不來庭陋
彼漢將軍空圍貳師城乃知天子在樹德不必連年徒用兵

箴

息烽縣志

卷之三十三

獻徵志 贊 箴

十五

太守箴

劉之龍

維明運昌萬里職方貴山富水咸入版章建邦置守肇於莊
皇守稱牧伯古並諸侯秩二千石下邑綴流朱幡熊軾五馬
優游召父杜母漢為循吏渤海潁川蒸蒸平治五袴歌成兩
岐麥瑞河北渡虎合浦還珠蒲鞭化洽竹馬信孚甘雨隨車
卧轍載塗帝咨民艱實重師帥豈以遐荒德澤疏室眼前赤
子鄉鄰同室鳥言卉服上世淳風帶牛佩犢化導之功夙夜
匪懈其政自通畏彼四知堅此素節一鶴相隨懸魚比潔酌
泉而爽勿淄於滄東海嚴卿晉陽臧彪德讓君子鸞鳳其儔
惟胞惟與疴癢噢咻三代斯民直道無斁何武去思寇恂願
借一體惟懷誰其有隔我思古人視履不愆子况異等文翁

育賢休聲浹茲吏治翰旋噫嘻小子麟符斯辱畫諾是資素餐惟跼爰疏鄙箴誦言司僕

銘

崇正堂銘

劉丙

維正伊始無極之真清濁既判正由以名惟氣之正人乃有形惟理之正與心俱生惟心之正在意惟誠惟學之正必理是明言以正發動以正行仕以正進功以正成事君而正君以安榮治民而正法無變更秉正而生固爾之亨使斃而正死亦爾輕卓哉孔孟正學以宏嗣是而正紹於周程張朱繼作皆以正名寥寥影響誰抗斯旌懿茲南楚千里專城崇正有院翼翼崢嶸祀彼先哲爰集俊英惟正是學若見牆羹夙息烽縣志

卷之三十三

獻徵志

銘

十七

夜匪懈以紹芳聲己正人正天下以平豈媒利祿徒弋簪纓我思崇正以求稱情

語嵩禪師塔銘

錢邦芭

語嵩和尚法名傳喬原籍四川重慶府巴縣來鳳鄉宋氏子也生於辛亥五月二十五日幼失怙恃育於祖母至二十三歲祖母歿遂祝髮出家修忍辱行師本農家不識文字亦不□宗教苦行三載一行脚僧憫其志問曰汝出家何為師答曰欲求作佛問曰佛豈可如是求若欲求佛當往見破雪師於是參破雪和尚每有問難同輩咸服其精勇住六年破雪□去遍參諸方丙戌同書雲於重慶道中遇破山弟子長破杲和尚印證相契遂與書雲同日得傳正法從此隱真安州

鐵村坪深谷中拳石支庵草衣木食嘯詠自得己丑春芑□
□事竣由夜郎出黔水道遇書雲始得師踪跡辛卯芑棄官
隱居敷勇衛之三潮水適師來相訪遂同止焉因請師住年
尼山上堂說法宗風大振從者如雲相國文安之總督范鏞
宗伯程源咸咨訪焉所親授佛宗佛海佛智諸弟子咸得正
印癸巳入西望山隱居不出庚子行脚入楚衆請住德山適
達庵和尚來德山掃塔與師言論相契遂有入浙之約辛丑
秋師□至湘潭家留住淡齋庵與孝廉郭金臺為莫逆交甲
辰秋芑過湘潭因同遊南嶽瞻禮祖塔上祝融峯望蒼梧弔
九疑後復轉湘潭芑謁師曰今大道沉淪公何不一出為羣
迷指點師歎曰道自在天地間我非有餘彼非不足何指點

息烽縣志

卷之三十三

戲徵志

銘

十七

之有且我門中近日以此為市所至趨謁權要曲意逢迎依
附□□交遊光寵復假其嘖笑以簸弄士紳欺誑愚俗驕□
□□□□□貪嗔自恣恬不知恥甚至倍師叛道操入室
之戈立門戶之幟人情如此吾懼斯道之將滅也安可復煽
其焰而揚其波乎於是仍隱淡齋庵與芑閉門結臘乙巳冬
□□□□□舟迎師入吳欲至天童掃塔因允其請丙午
夏五月至蘇州忽遇遠庵相見大悅因邀上天童禮塔畢師
遂病至十月初五日坐化於天童寺之客堂臨化侍者請偈
師答□□□去何須辭世笑殺癡人強我留偈遂端坐而逝
遠庵和尚為起龕舉火偈云泥牛海底行石虎高插翅人間
天上盡無拘古佛放光留不住化畢侍者宗照道開照崇等

負其□□□□丁未夏四月其大弟子佛海佛宗佛智等自黔來楚迎歸西望山為師建塔請芑為銘銘曰昔從何來今日何去大地虛空本來無住淵默竟雷三昧遊戲石火電光瞥然陳悟

西望山銘

桂詩成

黔疆開府肇自有明西望為江惟北之鎮當華路開基褒斜鑿道勒銘劍閣鑽禹之功或有人焉迺時代遞遷經界分合九驛西繞使節不經夷險易位竟等荒陬迨明季錢巡按邦芑以家國淪沒皈依法界偕語嵩大師結茅此地漸起宗風據石講經結筏度眾叢林既啟教義斯宏法即普傳於斯為盛於時萃華嚴瞿曇鳳池知非雨花東山報恩萬壽八廟興

息烽縣志

卷之三十三

獻徵志

銘

六

焉夫茫茫浩劫渺渺眾生盛衰之數有若符券有清中葉迭遭兵火梵宇琳宮於時俱盡嗣後雖有法侶特重清修因基構宇規模稍具然以地屬邊荒沒為賊壘僧粥本少轉充盜糧於今為烈尚虞烽燧良可嘆也然而青山白石不改舊顏明月清風依然並在山靈有知固不因時代而改度也惟年荒地僻文獻久湮懼墮前修無以示後爰采嘉石勒銘山麓庶後賢得以覽焉銘曰

積石巖巖襟江帶蜀巔巔穿空蜿蜒平陸峻氣為嶽屏障西南蒸民興雨惟民所天

論

奢香論

田

雯

奢香者竊翠妻也翠仕元為行中書左丞明洪武四年與同知宋欽歸附以翠為貴州宣慰使欽副之翠死奢香代立欽死妻劉氏亦代立劉氏多智術時馬暉以都督鎮守其地政尚威嚴欲盡滅諸羅代以流官乃以事裸撻奢香欲激怒諸羅為兵端諸羅果憤怒欲反劉氏聞止之為走愬京師上召問令入宮見高皇后復令折簡召奢香至詢故上曰汝誠苦馬都督吾為汝除之然何以報我奢香叩頭曰願世世戢諸羅令不敢為亂上曰此汝常職何云報也奢香曰貴州東北有間道可通四川梗塞未治願刊山通道以給驛使往來上許之謂高皇后曰吾知馬暉忠無他腸然何惜一人不以安一方也乃召暉數其罪斬之遣奢香等歸諸羅大感服為除

息烽縣志

卷之三十三 獻徵志

論

九

赤水烏撒道立龍場九驛達蜀今安氏即竊翠後也論曰烏羅之君長西土非一日矣一旦折而歸我豈其願哉終必為患夫人而知之即馬暉之忠明太祖亦諒之矣乃不乘此而翦滅之反自壞其長城僅令置驛以為報者計之非不審也蓋以諸蠻之強梗由於山川之險阻財力之富饒則莫若置驛以通之且困之通之而險失矣困之而志馴矣然後為我所制而無難此勝算亦遠猷也故除馬暉以為生事者戒而又以安遠人之心也若奢劉則可謂奇女子矣一乘間而遠犇一聞召而即至先機之智應變之勇丈夫之所不能而謂遐方女子能之乎觀其置驛開道則又功過唐蒙矣然驛置而事由此定亦亂於此萌矣何言之壬戌之役乘奢蘭之釁

連雷鳥之黨雖潢池弄兵悍性不馴亦由置驛之後當時之
官斯土者誅求暴虐有以激之而成也安貴榮嘗請減驛矣
王新建曾貽書以責之固伐謀之道然使當日稍寬恤之恩
威並用亦何至挺而走險若是哉此馬曄之所以誅也

建文帝君臣論

張澍

余嘗讀史至金川門失守而王鉞言高皇帝有遺誡既得鐵
函鑠柙度牒剝刀竊歎繫弧箕服妖讖亡姬蒿棘女珊天心
割漢似有定數不可以人力爭亦由聖祖不建青宮輔弼俾
作皇覺裔餘也又念少康逃竇終秉元圭宣王潛閭仍杖黃
鉞五年而天節反一旅而中興奏則忍辱圖存乘機觀變未
始非識時之俊傑撥亂之雄才方其成皇死沙場昭帝居涼

息烽縣志

卷之三十三 獻徵志

論

十

瘖俺答鳴鏑戈鋌屯於邊關高煦磨牙蜂蟄伏於肘腋國勢
孤注人情狐疑必不能長駕遠馭舉牢萬里之外而滇黔地
險沐氏兵強假令效勃蘇頓庭威公泣血自能發勇氣於仲
禮唱義聲於濟陽濮軍出荆門即襄鄧可搖戈船下漢南即
長江可據奮青邱之神劍返紫宮於曩庚仁壽之鏡重明雲
臺之仗復設握符闡珍當不其難或者謂夏桀浮舟是為失
位夷吾返國終辱先君故文叔受符不憂成帝復生元聖西
歸苦讓忠王繼統也豈知惠王居櫟殺子頽而返都襄王居
鄭誅太叔以奠位伯者克定其難春秋不以為非况未虐謗
人翻同流彘未警蛾賊竟爾蒙塵反謂三靈改卜九廟弛縣
豈熏丹穴以求故君忠乃不足閉沙邱而餓主父事固有名

與無如斷鼃難期荒野永遊嘯痕浸淫於枕席黃屋寄寓於
團瓢不知晉鄭之依疇為共和之計黃圖赤縣置之罔論毋
亦諒精衛不能塞海愚公不能移山遂甘心於瘴雨蠻烟罔
筮夫貞風熾火哭連鸛鶴寓公誰迎謠應豆山出帝不返雖
亡國大夫不足與言事而千秋直史何未書均房乎昔者乎
蹶降泚水而容與杜宇禪開明而遠放要皆榮遺松棟罔念
萬國衣冠塵視玉軀何計三泉鳧雁乃誦楞嚴而白髮蕭蕭
敲梵磬而天門蕩蕩聖人寶失虛想早鞠之雅法王輪空尚
戀茶毗之骨母亦備嘗險阻精力銷亡魂將斷於祖龍方思
山鬼銜璧運已去於佛狸又恐帝祀實鹽思歸葬西山故明
廷自列乎至若痛哭之五十餘人從亡之二十二士沐風櫛

息烽縣志

卷之三十三

獻徵志

論說

十一

雨胼手胝足四十餘年忘其勞動吟不動於龍蛇走自效夫
牛馬雖無仁傑之偉烈返金輪於廬陵亦有子家之孤忠奉
馬鞍於野井所謂朱矢鏢石不靡蕭邱之木凝久慘臬不凋
款冬之花義悲六合仁感萬禩以視當日之韜面授衣開門
延敵昧衛難之洪義拜殿下而主臣者豈可同年語哉

說

先農說

鄂爾泰

藉田之禮宜祀先農夫先農何神也始於何時神位宜何如
書壇設何所涓吉何日陳設何器祭享何品樂奏何章既躬
親其事敢不先考正其說試為畧言之古聖王之制祭祀也
法施於民則祀之是故厲山氏之有天下也其子曰農能植

百穀周稟繼之故祀以為稷此祀稷之始也共工氏之霸九州也其子曰后土能平九州故祀以為社此祀社之始也而郊特牲稱天子大蜡八先嗇一神農也司嗇二后稷之官也農三古之田畯有功於民者也郵表畷四郵亭之舍標表田畝田畯居之以督耕者也貓虎五貓食田鼠虎食田豕皆有功於稼者也防六水庸也防隄也以蓄水亦以障水庸溝也以受水亦以洩水皆農事之備也昆蟲八螟蝗之屬害稼者也是故腊之祭有八皆以為農而以先嗇為主蓋以先農為八神之主此祀農之始也班固食貨志又從而申其說曰闢土殖穀曰農炎帝教民殖穀故號神農氏謂神其業也又厲山氏有子曰農能殖百穀後世因名耕甿曰農其言農之義

息烽縣志

卷之三十三

獻徵志

說

二十一

甚著而先農之稱考之於經未有紀載惟劉向五經要義曰壇於田以祀先農如社衛宏漢議春始東耕於籍田引詩先農則神農也魏秦靜議風伯雨師靈星先農社稷為國六神晉太始四年耕於東郊以太牢祀先農周隋及唐所稱先農皆祭神農於帝社配以后稷即貞觀初太宗親耕東郊仍籍田壇之名也垂拱中乃以籍田壇而為先農壇開元十九年祀神農之壇上以后稷配二十三年親祀神農於東郊配以勾芒遂躬耕盡隴止乾元二年詔去耒耕彫刻天子出通化門釋輶而入壇遂祭神農以后稷配冕而朱紱躬九推焉憲宗元和五年詔以來歲正月籍田太常修撰韋公肅言籍田禮廢久矣有司無可考乃據禮經參考開元乾元故事為先

農壇於藉田此先農壇之所由來也漢文帝紀二年春正月
丁亥開藉田唐禮樂志春孟吉亥享先農此春月亥日祀先
農之所由來也臣於是本之經佐之史核之 國朝會典而
為之參酌其制即如今之於神位也則書曰先農之神蓋以
神農后稷皆各有所專祀而於此則統而書之也然以頒示
天下使農夫皆能曉其義則必實指其名而數之曰某某教
農之君某某勸農之官也使農夫皆得津津口頰轉相稱誦
愛慕嚮往而後其用力益勤則是先農之位宜主神農而配
以后稷神農居中后稷居右皆南嚮田畷以下依八蜡之祀
皆東西嚮比於兩廡之祀而位次正矣諸侯親耕於東郊則
督撫以下之藉田皆宜在東郊先農壇在藉田之北壇門南

息烽縣志

卷之三十三

獻徵志

說

二十三

嚮中為先農壇壇高而方四面有階祭日奉神位以祀壇之
後為神庫如祭宗廟寢室之制以安神位壇之前旁為瘞池
以瘞毛血神庫之左為神倉儲藉田之穀以供染盛酒醴神
庫之右為宰牲亭以供親割壇門外為觀耕臺下為藉田壇
之旁別置齋室未祭而齋既祭而燕皆於其地而壇基立矣
古之躬耕在孟春元辰後之躬耕在孟春吉亥宗乎古則宜
用元辰法乎近則宜用吉亥而涓吉定矣其在祭器則三爵
一尊酒盞三十登一釗二簋二籩二邊十豆十筐一俎一毛
血盤一爐一燭臺二香案一祝板一而祭器備矣其在祭品
天子則用太牢督撫以下則用少牢餘無可減爵實以酒醴
登實以太羹釗實以和羹簋實以黍稷籩實以稻粱邊實以

棗栗榛菱茨鹿脯白餅黑餅形鹽藁魚豆實以菁苴芹苴筍
菹韭苴鹿醢兔醢魚醢醢脾肝豚胸筐實以青色量帛俎
實以羊一豕一而品物齊矣若夫樂奏七章則以丁祭樂舞
為之舞佾如其數迎神奏永豐之章奠帛初獻奏時豐之章
亞獻奏咸豐之章終獻奏大豐之章徹饌奏屢豐之章送神
奏報豐之章望瘞奏慶豐之章七闋既終而樂奏成矣未祭
之先自齋宿以至省牲省牲演禮演樂祭之日自迎神以至
於初獻終獻送神望瘞悉如文廟之儀而大禮舉矣位次正
而心不疑壇基立而地不遷涓吉定而時不忒祭品備而知
其不可假易品物齊而知其不貴殊珍樂奏成而無有不和
大禮舉而孰敢不敬而先農說於是乎畢

息烽縣志

卷之三十三

獻徵志

說

二十四

積穀說

田雯

余於戊辰八月入黔視事值歲豐穀賤凡一金可糴六斛於
是謀共事黔省者相率出俸錢以易之得穀三千石有奇司
會司書記之倉人廩人掌之蓋將以防天時之不常而濟地
利人和之不及也時有謂余之迂者余曰不然周禮大司徒
荒政十二其言救荒最詳而遺人掌邦之委積以恤民之艱
阨廩人掌九穀之數以治年之凶豐此積穀所自來也耿壽
昌立常平倉朱熹有社倉法制非不善而汲黯之矯制繼之
復何人乎矧黔之無粟可發也富弼之青州勸民出粟益以
官廩做而行之又涉於多事矣矧黔之民稀而久貧也今惟
以俸錢之所入為粟米之所出不動帑不勞民何不可者李

惺有平糶法以洪周給之仁耿壽昌糶穀於近郡以省漕卒
之費法固善而意亦良美矣至於白居易極言和糶之弊蘇
轍連䟽青苗之禍此又害民之甚者今惟以市價之盈虛消
長隨商賈之貿易有無不假胥吏不驚市廛又未見其不可
也然而謂余之迂者抑嘗熟思審處夫黔否耶黔多石少田
山高箐密去城郭五里之外所隸皆狎橫犵狓椎髻鳩舌之
徒而行旅之蠹穴於闌閣間者朝而之蜀之楚焉夕而之滇
之粵焉非有恒產之守也非有土著之樂也非有擔石之儲
而聚族之謀也脫一旦雨暘愆耕作廢金死粟生道殣相望
即為之求轉移於蜀楚滇粵之間是猶止渴而掘井以七年
之病而求三年之艾也烏可得哉不寧惟是明天啟壬戌間
息烽縣志

卷之三十三

獻徵志

說

二十五

安邦彥之亂賊圍泐歲城中無米人相食殆盡此非其明鑒
與方今邊陲綏靖苗蠻向化仰賴聖天子柔遠德意以共樂
昇平自可弗慮乎寇盜然堯水湯旱則未敢預計其必無也
夫積穀之舉殆亦因地制宜司封疆者黽勉其所有事焉耳
然往往必撫古證今以伸其說而終不離於老生之常談余
則誠迂矣

水銀說

田 雯

竈有大小釜亦如之大者容砂二十升離而為十層次入之
間以穉糝布陳汞灰於其上治以杓中凹外凸覆以釜差殺
之揉鹽泥而塗其脣築之乃煨之凡一晝夜汞成滴滴懸珠
滉漾燿燦皆升於覆釜之腹小者以煎砂石相錯之巖子既

實之掩以筠籠籠如篩塗以泥豆其孔以疏氣者四孔則周
遭槽之穴其上覆以小甕亦鹽泥固之而後煨炆鄉可成汞
登於甕溢則注於孔之槽俟其性定挹而注諸承臍裏而縛
之乃可行遠如或傾之歛之以椒聚集如故啟釜甕者必含
龔或鬻汁乃可邇不則觸其氣而齒墮已成汞而升之復可
為硃不忘其本物亦有然者矣又有自然之汞生砂中不待
烹煉而成者尤不易得羽化之資糧也

息烽縣志

卷之三十三 獻徵志

說

二十六